

Saksprotokoll i fylkesutvalet - 03.05.2018

Pål Kårbø, KrF, sette på vegner av KrF, A, Sp og SV fram slikt forslag:

«Endring:

Punkt 1

- Stryk siste setning i pkt 1 (ikkje naturleg at den setningen står her, bør stå i eit følgebrev).
- Ny siste setning: «For å lukkast i samfunnsutviklarrolla er det viktig med god samhandling mellom regional og lokal planlegging».)»

Silja Ekeland Bjørkly, H, sette på vegner av H og Frp fram slikt forslag:

«Tillegg:

1. Hordaland fylkeskommune mener det er viktig at staten fortsatt har en sentral rolle i forvaltning av kunst- og kulturpolitikken i hele Norge. Kulturdepartementet og kulturrådet bør fortsatt være ansvarlig for de profesjonelle kulturinstitusjonene som i dag.
2. Ansvar for barnevern kan, kan der det er tjenlig, overføres til fylkeskommunene og kommunene. Bufdir opprettholdes.
3. En overføring av ansvaret for spesialpedagogisk støtte til skoleelever bør ikke gjennomføres. Statped fortsetter som før.
4. Ansvar for tannhelse kan/bør flyttes til kommunene på samme måte som den øvrige primærhelsetjenesten.
5. Det bør vurderes å flytte ansvaret for landbruk, herunder ansvar for veterinærtjenester til fylkeskommunene. Også fylkesmannens ansvar for landbruk flyttes til fylkeskommunene.
6. Oppgaver innen miljø som i dag ligger hos fylkesmannen flyttes til fylkeskommunene.
7. Fylkeskommunene bør ikke bli tillagt større ansvar for plansaker. Tvert imot bør det klargjøres at det er kommunene, og ikke fylkeskommunene som er planmyndighet, for å unngå at fylkeskommunen blir en «overkommune».
8. Fylkeskommunen bør få større ansvar for planlegging av strømnnettets infrastruktur på kraftlinjer som bygges på et regionalt nivå.
9. Fylkesmannens oppgaver skal knyttet til kontroll og tilsyn.
10. Det skal ikke flyttes noen oppgaver fra kommunene til fylkeskommunene. Kommunene blir etter kommunereformen større og bedre i stand til å gi gode tilbud til innbyggerne. Derfor bør også kommunene få tilført flere og større oppgaver. På samme måte bør større fylkeskommuner sørge for at flere oppgaver flyttes fra staten til fylkeskommunene for å sikre et best mulig tilbud nærmest mulig innbyggerne.»

Mari Klokkerstuen Kjellesvik, A, sette på vegner av A, Sp, KrF og SV fram slikt forslag:

«Alternativ:

Punkt 5

Når det gjeld kultur, vil Hordaland fylkeskommune påpeike at ekspertutvalet si innføring av omgrepet «hovudstatsinstitusjonar» ikkje er tenleg, verken for spørsmålet om desentralisering av oppgåver eller for kulturpolitikken. Det er ingen grunn til å leggje opp til ulik handsaming av nasjonale institusjonar som Oslo-Filharmonien og Bergen Filharmoniske Orkester – eller Nationaltheatret og Den Nationale Scene. Dei same prinsippa for oppgaveoverføring må leggjast til grunn for desse institusjonane og ein må sikra ei god og likeverdig finansiering. Fylkesutvalet vil understreka at dersom ein vel å oppretthalda forslaget om «hovudstatsinstitusjonar» så skal ein sikra at Den Nationale Scene og Bergen Filharmoniske orkester har same statlege status som dei hovudstadsbaserte kulturinstitusjonane.»

Aud Karin Oen, SV, sette på vegner av A, Sp, KrF og SV fram slikt forslag:

«Tillegg:

Punkt 6

Hordaland fylkeskommune er einig med ekspertutvalet at sjukehusorganiseringa skal utgreiast. Ein bør sjå på om styringa av sjukehusa kan knytast nærare til fylkeskommunane gjennom sterkare grad av folkevalgt styring.

Nytt punkt 7.

«Barnevern»:

Ny tekst:

«Hordaland fylkeskommune er einig med ekspertutvalet i at den beste måten å sørgja for ein heilskapleg handtering av oppgåver i barnevernet, er å overføra statleg oppgaveløysning på dette oppgaveområdet til fylkeskommunane. Ein slutter seg ikke til Ekspertutvalgets forslag om at Bufdir behaldast som fagdirektorat for barnevernet, men foreslår i staden at Bufdir vert gjort om til ein etat direkte under departementet. Dette er også noko som bør vurderer for andre direktorat.»»

Anne-Beth Njærheim, V, sette fram slikt forslag:

«Alternativ:

Punkt 5

Hordaland fylkeskommune vil vidare understreke at dagens sentrale nasjonale kulturinstitusjoner, herunder Den Nationale Scene og Bergen Filharmoniske Orkester, må oppretthalde denne status.

Geografisk lokalisering skal ikke være et kriterium for å kunne gis status som nasjonal kulturinstitusjon.

Hordaland fylkeskommune mener at kulturinstitusjonene Carte Blanche, Festspillene i Bergen og Bergen Nasjonale Opera også må få status som nasjonale kulturinstitusjoner.»»

Tom Sverre Tomren, MDG, sette fram slikt forslag:

«Tillegg:

1. Hordaland fylkeskommune meiner at ansvaret for vassforvaltninga bør ligge i fylkeskommunen.
2. HFK er enig i at det er en fordel å samle oppgaver innenfor naturforvaltning og at unaturlige forvaltningsskinner som praktiseres i dag (f.eks. innen fiskeforvaltning) bør unngås. Likevel er vi

bekymret for om miljømessige konsekvenser (for mennesker, natur og dyrearter som f.eks. villaks) tillegges nok vekt hvis artsforvaltning og verneområdeforvaltningen flyttes fra fylkesmannen til fylkeskommunen.

3. Vi forventer derfor at organiseringen som velges har gode og forpliktende virkemidler og klagemekanismer som sikrer at viktige naturverdier ikke taper mot nærings- og vekstinteresser.
4. HFK mener at en lovfesting av spesifikke tema for regional planlegging bør vurderes. Fylkesutvalget mener ellers at det må tydelige nasjonale forventninger til hva en regional plan bør omfatte og avklare, samt at forventningene er tydelige på at ulik arealbruk og interesser må sees i sammenheng og at de ikke prissatte verdiene må vektas betydelig opp.
5. HFK støtter at regional planer styrkes og at regionale planbestemmelser må tas i bruk på flere områder enn lokalisering av handelsområder og kjøpesenter. HFK mener at planbestemmelser er særlig egnet til å sikre viktige kultur-, folkehelse- landbruks-, miljø- og naturverdier samt nasjonale målsetninger innen by- og tettstedsutvikling, klima og transport.
6. HFK er meget bekymret for konsekvensen av å flytte myndighet til å fatte vedtak om konsesjon til utbygging av vannkraft på 1-10 MW og vindkraft over 1 MW/fem turbiner fra NVE til fylkeskommunen. De nye fylkene må i så fall ta ansvar for at energipolitikken ikke fragmenteres og få forpliktende virkemidler for å ivareta nasjonale energi- og naturvern hensyn helhetlig.
7. HFK ber om at det vurderes om vind- og vannkraft, som krever konsesjon, skal omfattes av kravet om utarbeiding av reguleringsplan etter PB.»

Røysting

Innstillinga frå utval for kultur, idrett og regional utvikling vart lagt til grunn.

Tomren sitt forslag punkt 1 vart samrøystes vedteke.
 Tomren sitt forslag punkt 2 fekk 1 røyst (MDG) og fall.
 Tomren sitt forslag punkt 3 fekk 1 røyst (MDG) og fall.
 Tomren sitt forslag punkt 4 fekk 1 røyst (MDG) og fall.
 Tomren sitt forslag punkt 5 fekk 1 røyst (MDG) og fall.
 Tomren sitt forslag punkt 6 og 7 fekk 2 røyster (MDG/SV) og fall.
 Bjørkly sitt forslag punkt 1 fekk 5 røyster (H/Frp) og fall.
 Bjørkly sitt forslag punkt 2 fekk 6 røyster (H/Frp/V) og fall.
 Bjørkly sitt forslag punkt 3 fekk 6 røyster (H/Frp/V) og fall.
 Bjørkly sitt forslag punkt 4 fekk 7 røyster (H/Frp/V/MDG) og fall.
 Bjørkly sitt forslag punkt 5 vart samrøystes vedteke.
 Bjørkly sitt forslag punkt 6 fekk 13 røyster (H/Frp/V/KrF/Sp/A) og vart vedteke.
 Bjørkly sitt forslag punkt 7 fekk 7 røyster (H/Frp/V) og fall.
 Bjørkly sitt forslag punkt 8 fekk 13 røyster (H/Frp/V/KrF/Sp/A) og vart vedteke.
 Bjørkly sitt forslag punkt 9 vart samrøystes vedteke.
 Bjørkly sitt forslag punkt 10 fekk 7 røyster (H/Frp/V) og fall.
 Innstillinga punkt 1, unntatt siste setning, vart samrøystes vedteken.
 Kårbø sitt forslag vart samrøystes vedteken.
 Innstillinga punkt 2 vart samrøystes vedteken.
 Innstillinga punkt 3 vart samrøystes vedteken.
 Innstillinga punkt 4 vart samrøystes vedteken.
 Innstillinga punkt 5 fekk inga røyster og fall.
 Njærheim sitt forslag fekk 7 røyster (H/Frp/V/MDG) og fall.
 Kjellesvik sitt forslag fekk 14 røyster (A/Sp/KrF/SV/MDG/Frp/H) og vart vedteke.
 Innstillinga punkt 6 vart samrøystes vedteken.

Oen sitt forslag punkt 6 fekk 10 (A/Sp/KrF/SV/MDG/V) røyster og vart vedteke.
Oen sitt forslag punkt 7 vart vedteke mot 6 røyster (H/FrP/V)

Vedtak

1. Hordaland fylkeskommune støttar dei prinsipp og vurderingar som ekspertutvalet har lagt til grunn i si innstilling knytt til overføring av nye oppgåver til fylkeskommunane. Nye oppgåver og auka regionalt ansvar er naudsynt for å styrke lokaldemokratiet og fylkeskommunane si rolle som samfunnsutviklar. For å lukkast i samfunnsutviklarrolla er det viktig med god samhandling mellom regional og lokal planlegging.
2. Hordaland fylkeskommune sluttar seg til ekspertutvalet sitt forslag om at frie inntekter i hovudsak vert lagt til grunn for finansiering av fylkeskommunane. Hordaland fylkeskommune legg til grunn at ansvarsoverføringane vert finansiert fullt ut ved at midlane staten brukar, vert overført fylkeskommunane i samband med ansvarsoverføringa.
3. Hordaland fylkeskommune føreset ei samla vurdering av ekspertutvalet sitt forslag i Stortinget, som ei eiga heilskapleg sak om desentralisering av oppgåver frå staten til fylkeskommunane.
4. Hordaland fylkeskommune meiner Stortinget – i tillegg til å overføre statlege oppgåver til regionalt folkevalt nivå slik ekspertutvalet si innstilling føreslår – særleg må følgje opp at:
 - a) Det kjem snarlege avklaringar og vert ein ryddig og oversiktleg prosess knytt til overføring av sams vegadministrasjon til det regionale folkevalde nivået. Dette er også viktig for fylkeskommunane i eit arbeidsgjevarperspektiv.
 - b) Fylkeskommunane får delegert meir mynde i sakshandsaminga av akvakultursaker.
 - c) Den næringsorienterte delen av Fylkesmannen si verksemd i sin heilskap vert overført til fylkeskommunane.
5. Når det gjeld kultur, vil Hordaland fylkeskommune påpeike at ekspertutvalet si innføring av omgrepet «hovudstatsinstitusjonar» ikkje er tenleg, verken for spørsmålet om desentralisering av oppgåver eller for kulturpolitikken. Det er ingen grunn til å leggje opp til ulik handsaming av nasjonale institusjonar som Oslo-Filharmonien og Bergen Filharmoniske Orkester – eller Nationaltheatret og Den Nationale Scene. Dei same prinsippa for oppgaveoverføring må leggjast til grunn for desse institusjonane og ein må sikra ei god og likeverdig finansiering. Fylkesutvalet vil understreka at dersom ein vel å oppretthalda forslaget om «hovudstatsinstitusjonar» så skal ein sikra at Den Nationale Scene og Bergen Filharmoniske orkester har same statlege status som dei hovudstadsbaserte kulturinstitusjonane.
6. Hordaland fylkeskommune ber om at det vert utgreidd overføring av fleire oppgåver som ligg tett opp til oppgåvene som alt er føreslegne overførte, og oppgåver som krev samordning og elles er innanfor dei prinsipp ekspertutvalet har lagt til grunn. Forslag til fleire oppgåver er nemnt i det vedlagte høyringssvaret.

Hordaland fylkeskommune er einig med ekspertutvalet at sjukehusorganiseringa skal utgreiast. Ein bør sjå på om styringa av sjukehusa kan knytast nærare til fylkeskommunane gjennom sterkare grad av folkevald styring.
7. Hordaland fylkeskommune er einig med ekspertutvalet i at den beste måten å sørgja for ein heilskapleg handtering av oppgåver i barnevernet, er å overføra statleg oppgaveløysning på dette oppgaveområdet til fylkeskommunane. Ein sluttar seg ikkje til ekspertutvalets forslag om at Bufdir behaldast som fagdirektorat for barnevernet, men foreslår i staden at Bufdir vert gjort om til ein etat direkte under departementet. Dette er også noko som ein bør vurderer for andre direktorat.

8. Hordaland fylkeskommune meiner at ansvaret for vassforvaltninga bør ligge i fylkeskommunen.
9. Det bør vurderast å flytte ansvaret for landbruk, her under ansvar for veterinærtenester til fylkeskommunane. Også fylkesmannens ansvar for landbruk flyttast til fylkeskommunane.
10. Oppgåver innan miljø som i dag ligg hos fylkesmannen flyttast til fylkeskommunane.
11. Fylkeskommunen bør få større ansvar for planlegging av straumnettets infrastruktur på kraftlinjer som byggast på et regionalt nivå.
12. Fylkesmannens oppgåver skal verte knytt til kontroll og tilsyn.